

能開示諸法本性亦復淨除今見清淨雖說諸法無法可說亦無能說佛言阿難陀若能如是觀諸法性便得發生無量智慧說此法時無數菩薩證無生法忍無量衆生發阿耨多羅三藐三菩提心於阿僧祇劫當證無上正等菩提復能出生無量辯才亦時世尊加

持此陀羅尼門放大光明其光普照無量無邊諸佛世界由此光明彼諸世界所有菩薩皆悉得聞此陀羅尼聞此法已能徧成熟菩提法分於彼復有無量衆生皆發阿耨多羅三藐三菩提心當於亦時一切衆生皆得安樂是時復有諸天雨天波頭摩華於大衆會諸菩薩中唱如是言願一切衆生得佛智慧亦時無量辯才菩薩白佛言世尊當何名此法門我當云何奉持佛告無量辯才菩薩言此法門名陀羅尼王亦名陀羅尼印亦名三品所攝善巧汝當受持此是無邊辯才攝一切義善巧法門由此法門而能照了一切諸

法斷一切疑是故諸菩薩於此法門應當奉持亦時一切大衆爲供養法故以五色花散於佛上佛說此經已諸菩薩摩訶薩一切衆會及天人阿脩羅乾闥婆等聞佛所說皆大歡喜信受奉行

十六末

大寶積經卷第七

龍七

大寶積經卷第八

龍八

西晉月氏三藏竺法護譯

密跡金剛力士會第三之一

聞如是一時佛遊王舍城靈鷲山與大比丘衆俱四萬二千菩薩八萬四千一切大聖神通以達各在十方異佛國會故來集此皆得

龍八

陳仁

法忍至不退轉一生補處遠致總持辯才無礙周流十方無數佛土神通自娛棄諸外學降伏衆魔消諸怨敵等心衆生觀一切源曉了三界衆生根本普入一切諸度無極常處閑靜善權方便靡所不通諸佛咨嗟宣揚其德修無數劫奉開士行積功累德億載兆垓

從無限世心平如地諸佛土境不可限量所行清淨棄衆星礙除諸陰蓋其身堅強猶如鉤鎖得金剛志致道聖性大師子吼獨步衆會體解所入得無所畏光蔽日月闡曜真法等于三世去來今得寤惑決疑深入微妙下於緣起開化剛強捨捨斷滅有常之想一切

禪思三昧正受將護暢達處處所入十方聞聲受無重問不斷三寶訓誨言教積德無量興隆道寶過諸聲聞緣覺之地行無盡慈遵無極哀攝四梵行四恩普濟隨時開度過三脫門至三達智周旋三界猶如日月往來四域如轉輪聖王以勇猛慧度生老死出入五

趣如炬照冥心無所著猶如蓮華生於污泥行無增損猶如虛空無所憎愛頌宣三藏如國明君賜報印綬拜與官號超俗八法不以感忻遊入八難化衆危厄以慧成就轉不退輪解衆廢亂顯示正真本無之法發訓超分至一切智三界爲震佛十八法誨諸愚冥離

於三毒如吹浮雲以道法舟往度衆生觀十
二海脫生死輪往來三處濟十二因諸會菩
薩具足功勳其名曰月施菩薩月英菩薩寂
英菩薩首英菩薩光英菩薩光首菩薩首積
首寂鉤鎖龍忻龍施執像蜜天緣勝緣手常
舉手常下手寶印手寶掌普世宿王金剛意

金剛步不動行跡過三世度無量跡無量意
海意堅意上意持意增意常慘常笑喜根善
照威離垢棄惡趣去衆蓋極精進智積常觀
光世音大勢至山頂虛空藏不眴不慕樂寶
上寶心善思善思義珠結總豪王淨王嚴土
寶事恩施帝天水天帝罔明罔喻天積快臂

能八

二

善白象香手衆香手師子英普利意妙御大
御寂意慈氏普首童真其八萬四千菩薩號
各如是介時於是三千大千佛土大尊巍巍
釋梵四天王諸天龍神阿須輪迦留羅真陀
羅摩休勒捷脊和諸王官屬咸來集會阿耨
達龍王和輪龍王摩那斯龍王多朱龍王雪

色龍王無量色龍王須深龍王及餘無數百
千龍王并其官屬皆來在會閑居阿須輪須
摩質阿須輪決河阿須輪順樹阿須輪瓔珞
阿須輪狂惑阿須輪斷絕阿須輪執鬼阿須
輪各與無數眷屬圍旋皆來在會摩竭國王
洹沙及宮人眷屬皆來在會諸比丘比丘尼

清信士清信女生天地神欲行天色行天淨
居天悉來在會彼時世尊與無央數百千之
衆眷屬圍旋而爲說經頌宣菩薩諸大士業
其法名曰淨濟廣布道義何謂菩薩業以行
布施開化衆生救濟危厄修禁戒業周滿所
願十善之奉行忍辱業備悉諸相八十種好

嚴飾已身行精進業所造德本一切具足無
所缺漏行禪思業志性和安成無思議行智
慧業斷衆塵勞成就聖明化諸不達行博聞
業致無礙辯所說如流聽者輒受行功德業
勸益衆生無限之福行聖明業緣致無量至
真辯才行寂然業所興發衆不可思議行正

龍八

三

觀業棄捨邪行無益之事行慈心業常修仁
和未嘗懷害行哀之業欲濟衆生不厭終始
行喜之業樂法之樂而以自娛亦化衆生使
慕道法行於護業斷無量疊示其罪福以法
兼利聽法會業去衆陰蓋令不自大行出寂
業捐捨恩愛戀恨之心世俗之習行閑居業
所立要義不失一心行有志業逮得總持念
法不忘以化衆庶行思念業其意曉了靡不
通達行遊步業解義所趣有益不損行意止
業觀身痛癢心意諸法行意斷業皆斷一切
衆罪惡法普修道義諸行妙法行神足業輕
其身心往來趣厄救衆下劣行諸根業具足

寂靜眼耳鼻口身心使定不亂行諸力業消
 眾塵勞瑕穢之非常能自制亦化眾庶行覺
 意業暢自然法以達正已行於道業越眾邪
 徑九十六種行真正業致仁義事無有瞋喜
 行解辯業見眾生心而為開闡行自歸業已
 身自達不須仰人行善友業通功勳門濟以

慧德行純性業普和三世無有欺惑行應時
 業皆能具足越一切難行聖賢業所往殊特
 與眾超異行宴坐業如所聞法常奉行之行
 四恩業合聚於眾為演經法行正法業順三
 寶教令不斷絕曉勤助業勤化眾生嚴淨佛
 土權方便業普用具足一切愍智世尊如是

廣為一切宣菩薩業名曰清淨於是金剛力
 士名曰密跡住世尊右手執金剛前白佛言
 至未曾有如來至真快說菩薩號淨濟業經
 典之要如向大聖頌宣斯法我察思議是一
 切業皆入菩薩眾德慧業所以者何其妙功
 德悉諸菩薩之所娛樂所化變示以是所樂

攝導眾生其慧業者菩薩雅辭多所悅可若
 有菩薩曉了舉要功德之業修慧明業是行
 第一真實至誠所以者何其功德業則是菩
 薩善權方便所度無極具足福慶其斯慧業
 則是菩薩智度無極眾行備悉以是二業普
 備一切諸菩薩道而恩廣濟諸魔官屬莫能

龍八

四

當者以度魔界菩薩如是至不退轉當成無
 上正真之道計於法本諸不退轉近佛世尊
 皆致如來秘密要藏恣意頌宣未曾覆匿於
 時寂意菩薩謂密跡金剛力士密跡所云有
 二事業近於如來慧仁能樂住宣於如來秘
 密之業非諸聲聞緣覺之地所能及逮況餘

凡庶之所及平時密跡金剛力士默然不報
 時寂意菩薩前白佛言密跡力士豈能屈意
 為斯眾會隨時敷演諸菩薩密如來秘要一
 切眾會普共渴仰欲得聞之若聞所說心中
 坦然忻喜大悅奉菩薩行具足成就此要密
 事心性調和入無極慈佛告密迹金剛力士

仁能重任爲此衆會說菩薩密如來祕要千佛勸歎仰宣諸菩薩道品諸行衆會樂聞密跡金剛力士前白佛言少能堪任爲諸衆會宣菩薩密如來祕要假使如來勸佐威神而見扶接乘大慧光承佛聖旨乃敢宣布諸菩薩密如來祕要猶如世尊夜闍冥時依燈火

明得見形色往來好醜東西南北所當進退如是世尊若見建立承佛聖旨所知少少粗舉歎說佛言善哉便時宣之時密跡力士語寂意菩薩仁者且聽及諸來會聞諸菩薩密如來祕要勿恐勿怖無以懷怖時寂意菩薩告諸會者如來所宣布四不思議以是得成

龍八

五

無上正真之道遠最正覺何謂爲四所造立業不可思議志如龍王行不可計禪思一心不可稱限諸佛所行無有邊際是爲四事仁者當知是四不可思議佛道所行不可思議爲最至尊以成正覺是故名曰四不可思議諸仁集會若聞菩薩諸佛世尊不可思議不

當恐怖而懷畏懼益加踊躍倍抱恭恪乃達大道介時寂意即如其像三昧正受令一切衆會聞如來法無誹謗者各心忻豫一切來集衆會場地天雨衆華諸心念花若干種品散於佛上及衆會上以用供養於是密跡力士語寂意曰諦聽諦聽善思念之今當宣布

諸菩薩密如來祕要夙夜寂然而修憚怕如來菩薩所言至誠無分別決乃授道別從是以往順從菩薩五行菩薩無有諛諂不爲匿訑不自貢高現相應時自在變化以自在心不計邪佞非法之業謹慎身行威儀禮節開化衆生口無所說不妄有辭菩薩威儀不可限量又次寂意隨衆生行因可開化一切威儀禮節之事所行學問禪思禮節使學若干音響言辭各令明了男女所行舉動進止威儀禮節各以大小乳下嬰孩應見化者各慎威儀長老中年少小之類所可應化威儀禮節尊卑豪賤明愚所行開塞達駁所行多少

威儀禮節因依訓誨應得度者而開化之地
獄餓鬼畜生之類諸天龍神阿須輪迦樓羅
真陀羅摩休勒若人非人所應開化而誘導
之比丘比丘尼清信士清信女釋梵四天王
大神妙天所應開化而訓誨之菩薩皆知深
淺厚薄難度易化應病與藥而為說法使諸
貪婬不貪財業建立威儀隨其禮節菩薩在
彼無為寂然以身修行不捨靜默顯身威儀
若有貪疾各為示現不惜身命隨時救濟身
行清淨體演光明諸在地獄餓鬼畜生勤苦
之患濟其危厄立在安處令無眾難若有眾
生多所愒業隨其所好現若干種珍寶財業
龍六
各使得所頭目肌肉骨節肢體髓腦妻子羣
從車馬奴僕衣裘從志所樂皆施與之若求
甘饌上好衣被皆令充意各得其所受諸眾
生無央數身法界無量舉安無處飽滿一切
道智無窮各現其身在於十方不可限極因
緣方便亦不可盡以無數身隨時現體開化

眾生各令得所若有眾生多貪欲者婬想情
色化現女像端正殊妙其人見之喜悅敬向
與共相娛視之無厭如寶明珠卒便臭穢顏
色甚惡觀是所變心患厭之便示死亡益用
惡見因為說法無常苦空一切三界猶如幻
化無一真諦聞之則達便發無上正真道意
逮不退轉又彼菩薩以一寶蓋覆斯三千大
千世界靡不周徧復能內之於一芥子若劫
燒時皆舉一切著其一掌斯身不大亦不增
減其身供養周於十方諸佛世尊復變作花
如須彌山懷之祴上成為華蓋貢上如來化
一香鑪如千佛土作一燈炬如須彌山供養
如來照恒河沙諸佛國土以貢上佛以細帛
氈裹覆其身灌用麻油以為燈火自然已身
演其光明照徧三千大千佛土若眾生見恠
之所以或復想念菩薩境界觀此變化無央
數眾皆發道心得悅可意充實飽滿被弘誓
鑑現和羅勢執於無極手持金剛力士侍佛
龍七

而自顯懼衆人恐怖自歸作禮菩薩大士聽受經法示大力士在於塚間大聚衆人自現身死形體廣長棄大塚間又諸禽獸食噉其肉四足兩足服食其體壽終之後皆得生天緣是爲本乃至滅度悉是菩薩本願殊特之所致也所以者何其彼菩薩本發意時心自

要誓設使有人禽獸飛鳥見我身死來噉肌肉壽終生天度世得道奉持禁戒所願者得如是寂意當作是觀菩薩所行隨時之儀而開化之密跡金剛力士謂寂意菩薩乃往過去久遠世時是閻浮利天下廣大周合一域有八萬四千國其餘郡縣丘聚無數百千人

民熾盛不可計限亦時多有財寶衣食自然周布充滿衆竒寶樹交絡屋宅斯諸衆生有若干疾不安衆患多羸瘦者金瘕癩瘡疽痛惡疾又有無數百千良醫所不能療衆人得疾積有年歲無能自安求哀自歸當是衆人遭是其厄則無救護各自稱怨呼天龍神捷

陀羅真陀羅摩休勒人與非人誰能療治消我病厄菩薩亦時爲一切首現爲良醫療衆人疾常用慈心專精走使侍從其後猶如奴僕給所當得以報恩慈濟人危厄是故寂意乃往古世今斯世尊當亦世時作天帝釋名曰善自在於天上遙見衆人得若干病困厄

難言以天耳聞衆人厄困呻呼悲嗟見聞如是興大悲哀心自念言今此衆人委厄甚困無所歸依今吾應宜濟衆困厄其無救者爲立善救無所依者爲設衆依無所歸者爲造受歸亦時天下閻浮利中有一大國城名曰具留彼時天帝菩薩去國不遠化作一蟲獸

名曰仁良自然化生在其國界時天帝釋住在虛空以偈告語天下閻浮利人

去此國土不大遠 而有一蟲名仁良
其有服食此蟲肉 則得免濟一切厄
汝等勿恐莫懷懼 覩其蟲身恣取肉
終不抱瞋無厭穢 斯是神妙好良藥

密跡金剛力士復語寂意菩薩尔時彼大國城郡縣村落丘聚衆疾諸被病人聞此音聲咸皆集詣具留大國到其蟲所取其肌肉各齋來歸以救療病各得除愈其蟲身肉如故不滅時其國界空野中蟲說是頌曰
 以斯之言要 令衆成佛道 使吾妙智慧

究竟無窮盡 同習學禁戒 取肌肉施與
 以是至誠辭 速逮正真道

密跡金剛力士曰如是寂意其天下閻浮利諸有病者皆往取是仁良蟲肉悉服食之療體之病靡不得瘳於時其蟲愍慈衆生其身如故亦不增減各各截取復生如故其身完

具亦不缺漏郡國縣邑州城大邦諸有苦患敢來食此仁良蟲肉皆得安隱七日之中使天下人無復疾病衆患之難唯去身病未消心疾淫怒癡疹時天下人男女大小皆得安隱無復身患各心念言今我等身以何方便報答仁良所有慈養乃能被荷衆病得愈身

得安隱永無衆患諸病愈者普共集會詣具留國到仁良蟲所皆共叉手爲仁良蟲說此偈言

仁爲是救護 仁身良醫藥 咸令我除患 以何報仁養

尔時仁良蟲自没其身現天帝形爲大衆人

而說頌曰

如吾今日身 不用衆居業 不以飲食供

金銀及珍寶 不以好象車 不快馬細車

男女諸大小 咸共心和同 皆改往修來

身奉行十善 各相向慈心 展轉相愍傷

相見如骨肉 猶如父母子 心不懷害念

乃報其慈養

密跡金剛力士語寂意菩薩時彼衆人聞其訓誨宿福所化皆共奉行是十善業具足清淨不令缺漏如是寂意時天下人男女大小奉行十善終身没已不墮惡趣三厄之難壽終之後自然得生忉利天上又天帝釋爲講

說法開示大業皆發無上正真道意應時悉立不退轉地寂意當了是則菩薩所修密行護身清淨不惜身命以已用施開化救濟無數衆生使至大道佛告寂意菩薩身所行衆密堅固牢強不可破壞猶如金剛其身散以衆人所學從志律故雖欲毀之不能破壞衆

生以學從學法住一切不壞所宣言教火不能燒刀不能傷其身堅強要不可毀猶如寂意其菩薩身身順法律訓化衆生其菩薩心不以寂然不懷妄想一切衆生身悉本無其已亦然亦復本空以了本無已身本無一切諸法亦復本無諸法本無又解已身以歸本

無一切諸法亦復本無諸法本無已身自然亦歸本無已以本無過去當來今現在法亦復本無去來今法以了本無又復已身亦復本無過去本無當來本無而不錯亂當來本無不與過去本無相違也過去本無不與現在本無相違也現在本無不與過去本無相

違也現在本無不與過去當來相違也過去當來本無不與現在本無相違也其當來本無不與現在本無相違也去來今現本無不與現在本無而相違也其去來今本無行者諸陰諸種諸入衆衰四大未曾相違也設使生死及與無爲自然本無生死本無以無所

龍八

行本無自然無行本無不違本無諸行本無自然又族姓子所謂本無其本無者等無有異不離於欲無所成立本無諍訟是諍訟者與諸諍訟亦無所諍以無所諍其本無者亦無所諍是則名曰如來本無如來無像歸斯本無是則名曰如來形像普見一切諸所色

像是故形像如來形像一切本空是則名曰如來之像是故菩薩現一切像如來未曾造現形像無像無諍亦乃普現一切衆像不以本無有所成立以本無業自觀其身諸身本無自察法身一切諸身皆無有身觀如來身曉一切身從因緣生以了法身本所從行因

與法身乃成法身無陰種諸入則曰法身行
 平等業消除衆生所見之緣若有所聞所更
 麤細猶如寂意耆域醫王合集諸藥以取藥
 草作童子形端正姝好世之希有所作安諦
 所有究竟殊異無比往來周旋住立安坐卧
 寐經行無所缺漏所顯變業或有大豪國王

太子大臣百官貴姓長者來到耆域醫王所
 視藥童子與共歌戲相其顏色病皆得除便
 致安隱寂靜無欲寂意且觀其耆域醫王療
 治世間其餘醫師所不能及也如是寂意若
 菩薩奉行法身假使衆生姪怒癡盛男女大
 小欲相慕樂即共相娛貪欲塵勞悉得休息

龍八

十一

以得休息於內息想謂離熱欲因斯受化皆
 是菩薩所願具足如是寂意若菩薩行善修
 法身斯諸菩薩則是法身示以飲食充實斯
 體不服搏食以安其身以斷衆饕慾傷衆生
 而現復食不以飯食入於體裏不著身中又
 其法身力不增損菩薩法身不知所生亦無

有死無終無始而隨習俗現有生死雖現終
 沒解一切法悉無所行示現所生暢一切法
 無爲無會一切諸法雖有所生悉無所生皆
 曉諸行自現其身諸根闕減而所遊行不毀
 法身則以法身法食法力以法自歸了如來
 身寂意欲知如來身者即虛空身而無等倫

處於三界爲最至尊施於衆生身無所歸不
 可譬喻而無比類其身清淨捨垢無塵其身
 本淨而無沾汚自然鮮明永無塵冥本性仁
 和悉無所生其身寂然不爲心意識所見拘
 繫其身自然猶如幻化野馬水月其身已度
 空無相願其身普周十方虛空心悉平等了

三界本一切衆生無有吾我其身無底不可
 限量無作無想斯身無著無所思念所住真
 諦致不可還其身無像自然現像無痛現痛
 自然無想而現有想無生死識而自然現諸
 生死識無地水火風因其示現地水火風四
 大之身解諸世間一切現法皆虛不實眼無

所見耳無所聞鼻無嗅香舌不在味身不倚
行求消眾識意無所受心不轉移無心意識
解了真諦未曾進退尔時寂意如來法身若
有菩薩以能逮斯如來等身靡不周普奉菩
薩行在此三千大千世界諸四方域郡國縣
邑州城大邦悉化其身皆徧現之一切眾生

不能見知菩薩所為現若不現悉能明了微
妙之業雖無所現普現一切未曾念行見聞
知識有所修行開化眾生不以身行失四意
止為眾生類因現其身無常苦空非身之義
解達諸身本法悉寂為眾生現身歸壞敗其
以報應求於身者以是退轉以是求報隨四

顛倒其有解觀無作無見曉知其身猶如草
木墻壁瓦石為諸眾生現清淨身如是寂意
曾為菩薩從錠光佛受決以來致於密身清
淨之體正使菩薩口有所宣悉無言說又有
寂意如來所說隨時之宜因其想念說菩薩
密身之寂靜從是轉進而得接濟所至無際

所謂菩薩身之秘密由得自在菩薩以宣已
身寂密粗舉其要假欲具說江河沙劫不能
究暢密迹金剛力士謂寂意菩薩何謂言密
其言清淨隨眾生類墮畜生中多少限數菩
薩亦現若干音響言語其察音響現若干辭
順其眾生章句言語而演言教隨時頒宣而

與談語說其苦樂善惡之處其菩薩音一切
普入靡所不達或有歌戲幻化瞋喜演其音
句隨其眾生言辭音響而入訓誨因其一切
身意所信心所好樂菩薩悉解而分別之各
使聞了寂意菩薩問密跡力士菩薩所化音
響如何密跡答曰從其眾生一切音響又菩

薩音所順無限猶如眾生所生之處心念各
異五趣音辭各各不同不可稱計菩薩如是
各從音辭亦無言辭是則名曰隨眾生音無
不達之曉無所有當作是觀一切眾響所宣
言辭終竟一切不可思議言無窮極是為菩
薩所化隨時不可喻盡自恣頒宣不可計響

或演釋梵四天王音或復恣宣諸天龍神阿
 須輪迦樓羅真陀羅捷沓和摩休勤人與非
 人隨衆生音上中下聲麤細好醜而演音響
 喜悅一切於是頌曰
 以如言辭多所解決 敷演無數 所說言教
 療以慈心 達入愍哀 宣布廣說 喜悅護意

天帝合集 柔輒和調 若有聞斯 蔽衆音響
 因從伎樂 所演悲聲 頌宣斯出 經典訓誨
 諸真陀羅 思好雅頌 其音喻此 普悉具足
 聞貪欲止 姪心不興 一切山神 皆好音樂
 計於欲界 衆諸妙音 諸伎樂出 諸天聲響
 皆悉起此 誠可愛悅 其法音聲 隨時方便

所宣歌頌 消瞋恚欲 除去癡慢 自大之行
 分別暢了 行所歸趣 以聞道術 宣傳之故
 其在色界 一切諸天 皆能悅可 斯諸天意
 因得聽聞 殊異言教 在世發意 當成佛道
 龍捷陀羅 摩休勤等 一切伎樂 若干種品
 德海若宣 微妙音教 衆生皆悅 心豫踊躍

入無央數 若干音響 閻浮天下 所居人民
 其音普徧 入斯衆生 若得聞者 悉得度脫
 虛空天神 及此地祇 其聲通達 咸至彼聞
 皆得聞教 莫不悅豫 僉然決疑 悉心歡欣
 哀鸞鷓鴣 赤紫鴉音 山鳥孔雀 鸚鵡鷓雞
 鴈殊異鳥 耆域鴛鴦 若聞此聲 皆可意悅

師子虎狼 熊羆後猴 麋鹿騾驢 野狐諸兔
 象馬狗犬 牛羊猪類 聞其音聲 可意喜悅
 四足二足 諸有形貌 其多諸足 諸無足者
 皆樂聞是 解知音聲 宣布受誨 捨衆邪業
 於斯三千 諸國有音 最上中間 及豪下賤
 地獄餓鬼 至畜生類 諸天人眾 衆諸音響

行無妄見 唯念至真 亦無想求 未曾諍訟
 奉行所業 志存道心 頌宣今現 當應時節
 已以專一 忍衆生諍 以音教告 百億國土
 從是通達 江河沙數 不倚財業 心無所行
 諸佛國土 所有衆魔 此等得聞 斯大和聲
 悲哀將護 所救如是 出入行步 悉爲興禮

正使衆生有百千億其心各抱若干志念
 聞是言辭不以蔽礙又其十指稽首作禮
 卧寐聾瘂口不能言跛蹇無足諸大疾病
 彼若聞此微妙善語宜暢柔和至好音教
 心常懷念塵勞危厄口所宣說億載塵勞
 其得聞是清淨法音開化烏鳥致於清涼
 口所宣布衆生悉聞諸佛經法及諸聖衆
 布施禁戒行忍辱事精進一心智慧之法
 說意所有功勳衆行億百千劫不能暢盡
 本際無底其意無量演於佛音所往無極

大寶積經卷第八 古宋 龍八

兆垓上直沒反下古哀反印綬音反寶印一蓮反常慘舍感反一不眴許切
 眴動也諸經皆作不眴善種萍沙上蕭反罪疊香怪反痛癢羊兩反亦作痒恭恪苦各反愴
 怕土徒敢反下昔百反諛諂上羊反匿訑上女力反下徒何吐何邪佞奴定反達
 駿五籍反金痍音反癩瘡上郎叫反舊注云箭毒也呻呼上井反得疹音抽完
 具上戶反癡疹丑刃反麤細上倉反錠光上音定

大寶積經卷第九 西晉月氏三藏竺法護譯 龍九

密跡金剛力士會第三之二
 密跡金剛力士語寂意菩薩菩薩所說口未
 曾宣汗染惡言不仁之辭瞋恚癡言亦無諛
 諛無剛結言崎嶇之語調戲俳說無益之文
 語不妄笑讒言兩舌不顧男女信堅鞭無有
 麤辭卒暴之性不有懷害無取捨心不失儀
 節志亦無結心無所著無闕訟言無所倚無
 塵勞無所舉無輕放逸無自恣無橫理無宜
 之行無非時辭無貪欲無非惡無所愛樂無
 有處所亦無非淨無違時無失節諸根無毀
 音聲無瑕心不懷害亦無偏黨無恣訑無覆
 蔽不諍言語不有怨嫌無有結恨不妄受邪
 非無自歸不計吾我不媿他人不惱彼己不
 宣傷害無殃罪法不失所言無不受行無不
 順業無不可忍所宣言和無種性事無輕調
 之教去非法之行不毀法行不越時節不違